



**ՆԱՅԱՍՏԱՆԻ ՆԱԽԱՊԵՏՈՒԹՅԱՆ ՍԱՏՄԱՆԱԴՐԱԿԱՆ ԴԱՏԱՐԱՆԻ ԹԻՎ 1 ԴԱՏԱԿԱՆ ԿԱԶՄԻ
Ո Ր Ո Շ ՈՒ Մ Ը**

ԱՆՆԱՏԱԿԱՆ ԴԻՄՈՒՄԻ ԸՆԴՈՒՆԵԼԻՈՒԹՅԱՆ ՆԱՐՅԻ ՎԵՐԱԲԵՐՅԱԼ

Քաղ. Երևան

6 հոկտեմբերի 2011թ.

Նայասարանի Նանրապետության սահմանադրական դատարանի
թիվ 1 դատական կազմը՝

Նախագահությամբ՝ Վ. Նովիաննիսյանի

Անդամակցությամբ՝ Վ. Պողոսյանի

Ա. Պեպրոսյանի

Ուսումնասիրելով քաղաքացի Գառնիկ Կարապետյանի
անհատական դիմումով գործը քննության ընդունելու մասին հարցը,

ՊԱՐԶԵՑ.

Նամաձայն ՆՏ Սահմանադրության 101-րդ հոդվածի 1-ին մասի 6-րդ կետի՝ քաղաքացի Գառնիկ Կարապետյանը 16.09.2011թ. դիմել է ՆՏ սահմանադրական դատարան՝ խնդրելով «... ՆՏ քրեական դատավարության օրենսգրքի 407 հոդվածի 6¹, 2¹, 414¹, 414² հոդվածի առաջին մասը ճանաչել ՆՏ Սահմանադրության 18, 14, 14.1, 19, 27, 27.1, 32 հոդվածների պահանջներին հակասող եւ անվավեր»:

Դիմումին կցված դատական ակտերի եւ դիմողի փաստարկների ուսումնասիրությունը վկայում է, որ դիմողը վիճարկվող դրույթների հակասահմանադրականությունը հիմնավորող որեւէ փաստարկ չի ներկայացրել, որեւէ կերպ չի հիմնավորել վիճարկվող դրույթների հակասահմանադրականությունը, ինչը «Սահմանադրական դատարանի մասին» ՆՏ օրենքի 69-րդ հոդվածի 4-րդ կետի հրամայական պահանջն է: Բացի դրանից, նշված դրույթի վերաբերյալ ՆՏ սահմանադրական դատարանի իրավական դիրքորոշման համաձայն՝ «Սահմանադրական դատարանի մասին» ՆՏ օրենքի 69-րդ հոդվածի 4-րդ մասն

ամրագրում է վիճարկվող դրույթի՝ Սահմանադրությանը հակասելու հիմնավորումներ ներկայացնելու՝ դիմողին ներկայացվող պահանջը, համաձայն որի՝ վիճարկվող օրենքի դրույթի հակասահմանադրականությունը պետք է հիմնավորված լինի օրենքի 68-րդ հոդվածի 7-րդ մասում նշված որեւէ հարկանիշով: Քաղաքացի Գ. Կարապետյանի դիմումի ուսումնասիրությունից պարզվում է, որ առկա չէ օրենքի 68-րդ հոդվածի 7-րդ մասով պայմանավորված՝ խնդրո առարկա դրույթների ենթադրյալ հակասահմանադրականության որեւէ հիմնավորում:

Նարկ է նշել նաեւ, որ դիմողը պարզաճ կերպով չի հիմնավորել, թե վիճարկվող նորմերի «հակասահմանադրականության» արդյունքում իր որ սահմանադրական իրավունքն է խախտվել, ինչպես նաեւ չի հիմնավորել իր սահմանադրական իրավունքների ենթադրյալ խախտման փաստի եւ վիճարկվող դրույթների հակասահմանադրականության միջեւ պարճառաւիտելանքային կապի առկայությունը, ինչը, ըստ «Սահմանադրական դատարանի մասին» ՆՆ օրենքի 68-րդ հոդվածի 7-րդ մասի եւ ՆՆ սահմանադրական դատարանի ՄԴՈ-839 որոշման, անհարական դիմումն ակնհայտ անհիմն համարելու հիմք է:

Ղեկավարվելով «Սահմանադրական դատարանի մասին» ՆՆ օրենքի 31-րդ հոդվածով, 32-րդ հոդվածի 6-րդ կետով եւ 69-րդ հոդվածի 7-րդ մասով, ՆՆ սահմանադրական դատարանի կանոնակարգի 26-րդ հոդվածով՝ ՆՆ սահմանադրական դատարանի թիվ 1 դատական կազմը

Ո Ր Ո Շ Ե Ց .

Քաղաքացի Գառնիկ Կարապետյանի անհարական դիմումով գործի քննության ընդունումը մերժել:

Նախագահող
Անդամներ՝



6 հոկտեմբերի 2011 թվականի
ՍԳԴԿՈ/1-24